

ЛЕНИНЭНЬ КИЯВА

ВЛКСМ-нь Мокшэрзянь обкомонтъ ды Саранскоень ошонь комитетэнь газетаст

СЕНТЯБРЯНЬ

27 чи,

1935 ин

№ 103 (454)

ЛКСМ:

5-й изд.

Читы ютат

ТЕИТЕРЬ - АВАТНЕНЬ ЮТКСО РОБОТАСЬ— КОМСОМОЛОНТЬ ЦЕНТРАЛЬНОЙ ЗАДАЧАЗО

Панемс комсомолсто тейтерь-аватне лангсо нарьгицятненъ

Од тейтерь-аватне, сех пек националкатне ютксо роботась—те комсомолонь организациятненъ центральной задача. „Тейтерь-аватне ютксо роботанть вадрылгавтоматонть“ эсь решениясонзо комсомолонь центральной комитетэсь „мери весе организациятненень, што ВЛКСМ-ень ЦК-ань XI-це пленумонть решениянзо тевс ютавтомань коряс сынст роботанть успешностезе ули ловозь сеть результатнень коряс, конатненъ тейсызь райкомтнэ, обкомтнэ, крайкомтнэ ды нацреспубликань ЦК-атне од тейтерь-аватне ютксо роботамосонтъ“.

Комсомолонь ЦК-анть те серьезной предупреждениянть минек сехламо райкомтнэ эзизь чаркоде. Од тейтерь-аватне ютксо роботамонть коряс положениась икеле ладсо жо ашти пек беряньстэ. Саты ледстямс ансяк сень, што Атяшевандь. Инсаронь, Лямбирень ды лия райкомтнэ те шкас бюросо не проработали ЦК-анть решениянзо „Од тейтерь-аватнен ютксо роботанть вадрылгавтоматонть“ Атяшевандь районсонть те решениянть проработали ансяк 7 первичной организациясо.

Сень кувалт, што Атяшевандь комсомолонь райкомось эссе толкова ЦК-анть решениянзо од тейтерь-аватне ютксо роботамонть, тосо улитъ эсист нитненень ды тейтерь-аватненень комсомолестнэнь эндо возмучительно берянь отношения. Вечернейской производственной первичной организации комсорго Кощанов панизе нинзэ секс, што „сон (нись) аламодо глухой, сермас а соды ды комсомолс а сови“—истя эсь прынзо чумокс ловозь корты нинзэ панемадонть Кощанов.

Омбоце активистэсь Дады велень советэнь председателесь,

комсомолецэсь Фуражев эсинзэ нинзэ, комсомолканть теизе кудо ютконь роботникакс-урекс. Тень кувалт икелень активисткась кармась улеме пассивной комсомолкакс-Фуражевань кухаркакс. Сонзэ нись аволь ансяк лоткась промксов ды заседаниянъ яксемадо, но истя жо ие ды 2 ковт эзь пандо членской взност.

Истят „крепостниктнэнь“, кодамо Фуражев ды Хлестаковтнэнь, кодамо Кашанов, конат пек шождя превсэ ваньт нитне марто отншениянть ды сынст панематненъ лангс,—истяттнэнь эриволь панемс комсомолонь рядтнэстэ. Но Атяшевандь райкомолось тень эзизе тее, сонъ сынст кадынзе комсомолс ды руководящей роботас.

Те эщо аламо. Атяшевандь районсонть Тарасова велесэ ули колхозонь председатель - комсомолец Парамонов. Сон пансь вейке пешкесэ ни, а лезды тензэ, ды мик а соды, косо сон. Седе мейле, зярдо панизе васень нинзэ, Парамонов урвакстэсь лия лангс. Омбоцентъ марто эрямонзо ушодызе сень эйстэ, што эрва чистэ сими винадо ды чавнокшны нинзэ эйсэ. Зярдо сонзэ кевкстнть, кодамо воспитательной работа ветят нить марто, Парамонов мерсь: „пекензэ пешкедемс андан эйсэнзэ ды сонензэ болши мезеяк а эрвияк“. Сонзэ эзь сато эщо нахальство меремс: „андан ды чавнан эйсэнзэ, мезе тензэ эщо эрви“.

Парамонов те шкас комсомолсо ды руководящей роботас. Сень таркас, штобу те негодянт панемс комсомолсто ды максомс судс, райкомось макссь тензэ ансяк выговор.

Весе неть безобразияне Атяшевандь районсо аволь случайной тевть. Од тейтерь-аватненень хамской отншениянть корентнэ мо-

литъ районной центростонть. Партиянь райкомонтъ ды райисполкомонтъ покровительстваст коряс, РИК-ень президумонь членэсь, секретаресь кодамо бути Юртаев организовась травля выдвиненка-комсомолканть, эрзянь тейтерентъ Сафроновандь лангс.

Сафронова аволь пек умок ульнесь аравтозь РИК-ень инструкторокс. Ды сень таркас, штобу мелявтомс кисэнзэ, лездамс тензэ, РИК-ень лия роботниктнэ кармасть лангсонзо пееleme, нарьгамо ды зарплатанзояк пандылизь аволь весе. Весе теде сон сермадсь заявления комсомолонь райкомов. Райкомолось жо теде кортнесь партиянь райкомонтъ марто, кона согласась Сафроновандь заявлениянзо марто, но... Секс, што Атяшевасо ай арситъ „беспокоить“ „паро ломаньтнэнь“, кадызь те тевентъ истяк, мезеяк эсть тее.

Весе неть фактнэ сатыть сень кис, штобу меремс, што Атяшевандь комсомолонь райкомось невтизе весе эсинзэ политической неграмотностензэ сень, што эзизь чаркоде ЦК-анть решениянзо ды а ютавты эйсэнзэ тевс.

Нетъ гнусной фактнэнь лангс таргазь, весе сеть негодянтненъ судс максозь, конат снартнть кирдемс тейтерь-аватненень буржуазной отншениянть правилатненъ, райкомтнэнь эрви мобилизовамс комсомолонь организациянть ВЛКСМ-ень ЦК-анть решениянзо тевс ютавтомо, тейтерь-аватне ютксо конкретной роботанть ветямо. Шка уш райкомтнэнь ютамс валтнэ эйстэ тевс, кустарщинанть ды наскокнэнь эйстэ плановой, систематической роботас од тейтерь-аватненъ вообще, ды сех пек националкатненъ воспитаниянть ды выдвинениянть коряс.

Ионов нарьги нинзэ лангсо

Апек умок „Волжская коммуна“ газетасо мольсь дискуссия Танянь П. серманзо коряс. Те сермантень ламо путстыть мель комсомолонь организациятне ды од ломантне, Комсомолонь райкомтнэ те серманть толковизь комсомолонь ды од ломантненъ ютксо.

Од ломантне тейсты покш укор весе Барышской комсомолонь Организациятненъ ды судизь Фирсовонь ВЛКСМ-нь райкомонь секретарентъ те буржуазно-перерожденческой поступканзо.

Сехте вадра комсомолонь ды од ломанень семиядо, воспитаниядо ды вечкемадо сермадсь „Комсомолонь правда“ газетась. Но неть Фирсовонь ды лия безобразной поступкатнэстэ эзь сая Чамзинкань ВЛКСМ-нь райкомось урок ды эзь тейть толковамо комсомолонть ды од ломантненъ ютксо.

Чамзинкань райкомось те шкас эзь сода, што сынст организациясо улитъ истят жо безобразият ды легкомысленной ломанть. Сайсынек, примеркс, Мачказеровандь ВЛКСМ-нь комитетэнь секретарентъ Ионовонь.

Ионов омбоце ие кода урвакстэсь—сайсь бедной семиянъ тейтерь. Нинзэ теизе кудонь роботникакс ды сонзэ лангсо нарьгась.

Кода сонзэ шачсь эйкакшозо, сон тень таркас, штобу максомс эйкакшонтень паро воспитания, сон кармасть эйсэст кадомо ды якамо чокшнень-чокшнень лия тейтерь ава марто.

Зярдо кармасть низэ кортамо мекс истя тон тейнят а ванат эйкакшонтъ ды монь лангс. Сестэ Ионов сонзэ кудосто эйкакшонтъ марто панизе ды эзь макст сонензэ мезеяк. Конатань ней арась кодаткак эрямонь средстват.

Народной судось Ионовонь пельде судясь эйкакшонтень пандомо 15 целковойть ковс, ды лия пандомат, но Ионов те шкас пандомо ай арси.

Ионовонь низэ ламоксть сакшность Мачказеровандь вельсоветэв исполнительной лист марто вешеме лезкс, штобу Ионов пандоволь мезе сонензэ судясь судось, но вельсоветэнь председателесь тензэ кодамояк лезкс эзь максо, ды те тевентъ лангс вансь беряньстэ.

Нетъ Ионовонь безобразной поступкадонзо соды Мачказеровандь парторганизациясь ды Чамзинкань ВЛКСМ-нь райкомось, но кодаткак мерат те тевентъ коряс эзь прима.

А. Додонов.

МЕЗЕ КЕКШЕВИ ОБРАЗЦОВОЕНТЬ АЛО

Дубенка. Кодик ансяк перемена, Дубенкань образцовой средней школань коллиторсонть кепедеви истямо шум-гам цютъ зданиясь а калавы, лаштось марьяви веленть омбоце пев. Тосо пижнить, озоровить тонавтицятне.

Переменань шкасто отчаяной тонавтицятне коллиторсо арситъ рядсек ды аравтнть пильт, штобу правомс ломанть, нама те истямо „налксемасонтъ“ ламо томбавкшнть, эрть сельведть. Сентябрь 20-це чистэ озоровамось пачкодекшнэсь истямо тевс, тонавтиця цератне тейнэсь „бандитской налет“ тейтерьтнэнь лангс, обижасть эйсэ т. кайсесть, сезнэсь лангстост юбкат.

Школась роботы кавто сменасо. Омбоце сменасонтъ тонавтицятне колмо группат, эрва чистэ эрть занятиянъ сезневемат секс, што арась школасонтъ тол, чопода, секс вана колмонест группатнесэ меельсь уроктнэ сезневить.

Школань директорось Учаев тень кувалт корты, „Толтмо сави аштемс караксинэнь аразь чинть ку-

валт. Якинъ райпотребсоюзос эсть максо тень, арась наряд минек школанть“. Вана мезень кувалт сезневить школасо занятиянъ.

Зярдо, сентябрь 18-це чистэ ВЛКСМ-нь Дубенкань райкомось Учаев директоронтъ тердтизе отчет марто—од учительтнэнь ютксо роботадонтъ, то сон неть асатыктнэнь коряс эзь корта, сепинзе. Овси эссе ледстне, што эрва чистэ сезневить кавто колмо част.

Весе неть асатыктнэде соды Дубенкань райОНО-сь, соды, што сезневить уроктнэ, но мерат а прими, чатьмони.

Дубенкань средней школасонтъ булчом ЦК-нь ды СНК-нь школада решениянть эзизь толкова.

Эсть тее выводт обкомонь пленумонть начальной ды средней школада решениянть, конатнесэ ламо кортави школань распорядкадонть, дисциплинадонтъ. Секс вана тосо эрть истят безобразият.

Школасо первичной комсомольской организациятненъ, ВЛКСМ-нь Дубенкань райкомонтень эривить примамс мерат, керямс школасо хулиганстванть, путомс пе тонавтиця тейтерьтнэнь хамской отншениянть.

Эрванть, конась эсинзэ поведениясонзо невти ялганень берянь отншения, таргамс отвечамо, пек злостнойтнэнь судямс, панемс комсомолсто, школасто.

Неиця.

ТОНАВТНИТЬ НЕМЕЦКОЙ КЕЛЕНТЬ

Ардатов. ВЛКСМ-нь Ардатовандь райкомось организовась немецкой келень тонавтенемань кружок, косо тонавтицят райкомонь бюронь ды пленумонь члентнэ. Весемезэ кружоксонть 18 ломанть. Сентябрь 21-цы 22-це читнэстэ ютавтозь васенце кавто занятиятне.

Кружоконтъ вети Калмыкова Марья Афанасьевна Ардатовандь средней школань преподаватель. Республикань келес райкомтнэнь эрви саемс пример Ардатовандь райкомонтъ пельде.

Г. Левин

4 иеть роботы конюхокс

Кочкурово. „17-це партсезд“ колхозсо Радайки Егор колхозникесь 4-це ие роботы конюхокс.

Сонзэ лишмензэ колхозсонть сехте справнат.

П. В.

Оймевтеме райком

Атяшева. 1934 иестэ Парфий велень комсомолонь организациясь Чекушкинень Ал. Кс. ды Тянгаевонь Ив. Кс. приминзе комсомол. Синст коряс материалтнень сеске жо кучизь комсомолонь райкомов.

Но апак вант сень лангс, што организациясь неть материалтнень утверждениядот аволь весть сермалесь райкомов—течень чис материалтнде мезеяк а маряви. Сын прок омотс ваясть. Васень шкатнестэ неть материалтнень коряс перепискань ветямсто—райкомось организациянтень сермалесь: „бюронь заседаниясо те впрорось апак ванно“... Тынк материалонк эзине ванно“... Ламо шкань ютазь жо райкомось кучсь бюрократической, бездушной отношения истямо сермине: „Тынк материалонк емасть, кучодо од материал“.

Первичной организациясь неть одс примазь комсомолетнень лангс кучсь од материалт. Ютась седе мейле ламо шка. Од материалтнэяк емасть, сынст коряс райкомось а сермали серминетькак.

1935 иень январьстэ организациясь комсомолс приминзе Чекашкин И. М., Никонов Ст. М. ды Калпанов А. К. колхозник-ударниктнень. Материалтнень таго кучизь райкомов.

Ды неть материалтнень мартояк юты теке историясь. Вана эль юты уш 9 це ков, кода мезеяк а марявотви сынст эйстэ. Комсоргось сермадоматнень таркас аволь весть сонсь якась материалтнень коряс райкомов. Но тосо райкомонь темень ветиясь Будыгин мерсь: „Истяк утверждать а карматано. Васня те темень эряви парынестэ ванномс таркасо. Курок те темень коряс тыненк кучтано пропагандист“.

Зярс эшо учомс те пропагандистнэнтэ? Теде кияк а соды. Истя жо организациясь а соды 3 комсомолетнень лангс кучозь материалтнэяк.

Зярдэ жо оймевтеме те райкомось карми таргсеме оймензэ неть материалтнэнь коряс? Комсомолет

СЕДЕ ЛАМО ИСТЯТ СЕМИНАРТ

Рузаевка. Чугункань кинь 5-це эксплуатационной отделениясь поллитотделэсь, помполитэсь Грибанов комсомолонь ЦК-нь IX, X ды XI-це пленумтнень решенияст тонавтнеманть коряс организовакшнось вете чинь семинарт, козонь тердтнизь комсоргтнень, группортнень ды рузаевкань станциянь комсомолонь весе активенть.

Семинаронтень Грибанов помполитэсь анокстакшнось вадрясто, ушодомадонзо анокстакшнось программаны, литератураны, эрва комсомолетнень пачтакшнось семинаров самодо куля.

Ушодовсть семинартнэ сентябрынь 16-це чистэ, роботась 7 чассто валске 9 часос чокшнес. Семинаронтень весе тонавтициятне яксест покш мель марто, эрва чистэ сылыть занятиянь пель чассто икеле ды занятиятнень ушодомс ютавтильть массовой налксемат, танецт, морамот.

Семинаронтэ ушодомань васень чистэ ульнесь организовазь редколлегия, редакторось Ира Зарубина. Вете чинь ютамс нолдасть 2 № стенгазета.

Сентябрынь 20-це чистэ, семинаронтэ прыдомань занятиясонть ульнестэ толковазь производствасо подпросткатнень марто роботамодо впрорось, первичной организациянтэ апак сода а ертнемс комсомолетнень вейке роботасто омбоцес ды кода роботамс комсомолка аватнень марто. Грибанов помполитэнтэ лекциядонть мейле неть впрорстнэнь коряс ульнесь ютавтозь дискуссия.

Кортнестэ комсоргтнэ, группортнэ ды активист комсомолетнэ.

Управлениянь первичной организациянтэ комсоргось Подборонов Коля эсинзэ выступлениясо евтнэзе, кода сон роботась комсомолка аванень ютксо икеле ды кода роботы ней.

Ули организациясонок комсомолка Макарова, сонзэ 2 эйкакшонзо, мирдезэ арась. Теде башка Макарова три аванзо, тетянзо ды кавто братонзо, конатне весе нетрудоспособнойт. Сон получи 130 целковойт, нама истямо жаловнясь а саты. Мон якинэ тензэ кудозонзо, ванья, кода

эри. Э й к а к ш т н э я к и т ь почти штапо, ярасмо-пелесткак сынст берянь. Мон сеске жо молинь участковой комитетс ды месткомс, куш стака ульнесь, но яла теке добувины Макарованень явсть ярмаконь по обия. Икеле пелевгак карман тензэ лездемо.

— Неть чигнестэ минек организациясо Кузнецова Нюра марто лиссь истямо случай—корты Коля жо. Сон роботась 5-це отделениясо маршрутизациянь техникекс. Исяк састь ды кортыть тензэ, максыть тевтнень. Сон дивазевсь мекс истя? Эзизь епта тензэ. Мон кундынэ те теветнень. Молинь технической бюронь заведующеентень, сон монень отвечась—„аволь тонь теветсь“. Мейле якинэ парткомс, лия организацияс, тосоак отвечастэ—„лия эцне а эсь теветэст“. Но мон темень лангс эзинь лотка, карман аштеме эсинекомсомолканть кисэ. Парсте сон роботась. Ванды молян поллитотделэнь начальникентень ды добуваса мезе эряви.

Семинарось монень ламо максь лезкс—корты валонзо прыдомсто Подборонов ялгась—те шкас ламо впрорст мон эзинь чарькодть комсомолонь роботань коряс. Эряви сеельстэ пурнакшномс истят семинарт башка впрорсонь коряс“.

Итямо жо ладсо кортнестэ ламо ляткак.

Станциясо комсомольской группоргось Палагушкин мельсапароско аштесь истямо впрорсонь кувалт, што первичной организациянтэ апак сода комсомольской сменасто ертеть лия сменас комсомолетнэнь Таянэнь, Резеповань, сменасонть аволь весе комсомолетт, темпатнень лавшомтынзе. Те впрорсонть минь ванды толковасынекомсомолонь промксо, добувасынек ялгатнень мекев комсомольской сменас велявтоманть.

Семинарось прыдовсь, максь тонавтициятнень ламо, эрвась эйстэст седе кармась содамо, кода эряви роботамс ды мезь ванды тейнемс.

Политотделэсь алтась седе сеельстэ тердтнемс истят башка впрорсонь коряс семинарт.

Дм. Бакулин.

Я. Григошин

Урядной Катя

Сась школасто Левань Катя, Вэрштась—каргодсть эземгне; Потолоксто чанжавт нюржить, Ливезь потсот вальматне.

Мекс истяня, вай, авакай, Пек рудазов кудонк? Секс пенячить темень школасо,—Кортыть „таштот ладонок“.

Минь школасо эрва чине Пек турдяно уряд кис, Школангь пельде урядкоенть Минь кандтано кудонь-чис.

Нуртась Катя лембе ведьне, Илиштинзе кедензэ; Кармась лиякс аравтомо Кудонть весе ладонзо

Тов юхеди—каргодсть нарды. Тей аволды рудаз шли; Кель алонзо теветсь арды, Мейс а кунды, лезкс ули.

Васня Катя эземть вадясь, Киякс лангсто рудаз кравтсь, Мейле уголс цецят ладясь, Столеть ланга скатерь сравтсь.

Сась тетязо промкс кудосто, Варштась—дивазь гаякадсь: —Ки рудазонть урядызе? Мекс кияксось тужалгадсь? Не вальматне—аволь некеть; Кудось весе зорякадсь; Вант цецятне кода ракить, Превень дивазь талагадсть.

—Мэн, тетякай,—рангстась Катя—

Каргодсь кзэнтэ кравтыя! Школанть пельде мезе саинь Сонзэ кудос сравтыя.

Куть школасо, куть кудосо Мэн а вечкан рудаз, сор: Урок кисэ, уряд чисэ Турян яла мон „на хор“.

МАКССТЫ ОБЯЗАТЕЛЬСТВА УЛЕМС ЗНАЧКИСТЭКС

Саранск Мокшэрзянь педтехникумонь студентнэ сайсть эсь лангозост обязательства, штобу Октябрьской праздникентень максомс ГТО-нь значоконтень кизэнь весе норматнень.

Нормань максомась моли умок уш. Н. А. Петров.

Од ломаньтнень единой фронт войнань ды фашизманть каршо

Минек газетанть ютась номертнэзэ ульнесь евтнэзэ граничань томбале од ломанень коммунистической кой-кона союзтнэнь эря модост ды бороцямодост. Сеть фактиэ невтить, кодамо условиясо ютавтять эсирт революционной стака роботаст КИМ ень секциятне.

Пек ламо можнать бу сермадомс, примеркс, Польшань комсомолдонть, кона теетсь КИМ-ентэ боевой ды икеле молиця секциякс. Польшань комсомолонть роботамонь опытэзэ, кона таштазь подпольянь зярыя иетне перть, лездезэ КИМ-ень зярыя секциятнень нелегальной положениас ютамсто одкс теетсь эсь роботаст, ванстомс ды келейгавомс массатне марто созэнтэ.

Зярыя иень перть Польшань комсомолось кеместэ кирди сень, што эйсэнзэ лоштни лангозонзо каявозь фашистской реакциясь. Неть—Рутковской, Энгель, Кневский, Бэтин, Яблонский, Харман ялгатне.

Ламо тыщат комсомолетт уш

зярыя иеть майсиль панской Польшань фашистской тюрьматнесэ. Неть тюрьматнесэ емасть ламо кементь комсомолетт, конатнень нарьгизь фашистской тюремщиктнэ. Тюрьмасо ульнесь нарьгазь ды маштозь Польшань КСМ-ень ЦК-ань членэсь Лепон ялгась, КСМ-ень ЦК-ань икелень членэсь, компартиянь ЦК-ань членэсь Редико ялгась ды ламо лия од революционерт.

Польшань комсомолонь организациянтень роботаст пек казямосто преследуют, но темень лангс апак вано массатне лангс союзонть влияниязэ касы апак лотксе. Робочей классонть ламо политической ды экономической забастовкасо Польшань комсомолось пек лездезэ партиантень, организови ды вети бойтнесэ робочей од ломаньтнень участияст. Польшань КСМ-есь революционной кеме организация, сон—масторсонть политической пек серьезной фактор.

Фашистской мастортнэзэ комсомолонть стака роботадонзо ды пек покш жертватнеде, конатне тосо тееткшнось минек союзтнэнь,—весе теде истя жо корты Югославиянь комсомолонть бороцямозо. КИМ-ень V-це конгресстэнтэ мейле фашистской охран-

кась тосо зверски нарьгась робочей од ломаньтнень кото пек кеме ветият, Югославиянь комсомолонь ЦК-ань кото секретарть—Пайо Марганович, Янко Мишич, Мийло Орешки (Ячич), Колумб (Голев), Ага Попович, Фатанович (Дебеляк) ялгатнень.

Япониясо, Румыниясо, Венгриясо ды Венгриясо, Финляндиясо ды Португалиясо, Кубасо ды Бразилиясо, Мексикасо, Центральной ды Южно й Америкасо, Азиянь ды Африканы колониятнесэ,—эрва косо комсомолетнэ ды революционной од ломаньтне невтить пролетарской революциянь интереснэнь преданностест.

Комсомолетнэнь ды робочей од ломаньтнень героизманть сех вадря характеристикась максозь Мануильской ялганть валсонзо, конань сон евтынзе 1932 иестэнтэ ИККИМ-ень декабрьской пленумсонть:

„Комсомолетт ялгатне: тынь ашо терроронь зярыя масторсо тынь максыде истямо героизмань образецт, конатнеде а кортават эпически спокойнасто. Казнятнэнь, пыткатнэнь, куломантень тынь молиде революционной гордостень, пролетарской достоинствань ды сех покш чашиянь пейдэвкс марто. Китайсь, Югославиясо, Болгариясо, Польшасо, Венгриясо ды зярыя лия масторсо комсомолетнэ эсирт верьсэст эрва чистэ невтить робочей классонть оляс менстямонть эсирт пек покш преданно-

стест. Те героизманть икеле комавты эсь прынзо весе масторлангонь робочей классось“.

Покш жертват ульнестэ минек союзтнэнь капиталистической мастортнэзэ Весемасторлангонь од ломанень XXI-це чинть ютавтомсто. Но кодаткак стакат сынст а тандавтсызь. Империалистической од войнань пек виевстэ касыця угрозанть ды СССР-энтэ каршо контрреволюционной войнань анокстамонть каршо, азаргадонь фашизманть ды буржуазиянтэ эцеманзо каршо бороцясть ды бороцить лия масторонь комсомолтнэ ды трудиця од ломаньтне. Лия масторонь комсомолтнэ яла седеяк пек эсь енов таргить буржуазиянтэ эрва кодамо политической, спортивной ды культурной организациятнесэ аштиця од ломаньтнень.

Те иень сексия Московско карми улеме КИМ-ентэ VI-це конгресс. Эсь конгрессэнтень КИМ-ентэ весе секциятнеде сыть идеологически ды организационно единойстэ, Коминтернанть перька кеместэ пурнавозь, Ленинэнь—Сталинэнь ине, а изнявикс знамянтень преданнойкс. Сынэ эсь конгрессэнтень сыть революционной бороцямонь ды роботамонь пек покш опыт марто.

Минек братской зярыя секциятнень роботасост улитэ эшо зярыя покш асатыкст ды лавшо таркат, сех пек массатне марто роботамонть коряс. Неть лавшо таркатне васняк неавить весе трудиця од ломаньтнень келей единой

Партиянь ды правительстванть постановлениядот мейле школатнесэ

Одс организовазь школась роботы парсте

Игнатово. Те иестэнь васенцеде районьнэ трудиятнень эйкакштнэ озасть тонавтнема, полной средней школань партатнень эхсэ Школась организовазь ташто церкувань таркас.

Аволь беряньстэ ушодызе школась роботанть. Аволь беряньстэ роботатне молит школатнеде партиянь ды правительстванть решеняст эрва классо толковадонть мейле.

Эрва тонавтнициясь эсь ялганзо марто пельксты парсте тонавтнеманть кис. Школасонть организовазь санитарной секция СББ-нь, осовахижень, литературно-драматической ды лия кружокт, стенань газета, конатнесэ руководителек роботыть тейтерть (Сунина, Мамаева, Демина ды лият).

Школасонть ули комсомолонь организация. Весе 18 комсомолетнэ парсте пандыть членской взност. Билетнэ, учетной карточкатне ды протоколтнэ ванстовить парсте.

Одс организовазь школась парсте тевс ютавты партиянь решенянзо.

П. Ильин.

ПЕРЕМЕНАТНЕ ЮТЫТЬ АВОЛЬ ОРГАНИЗОВАННОЙСТЭ

Кочкурово. Пакся Тавлань начальной ды аволь полной средней школатнесэ тонавтницияне переманатнесэ а организовакшныть меньшак налксемаг сын ютко шкаст ютавтнесызь тюрезы, селнозы, кевсэ ды палкасо вейке-вейке ланс эрязь.

Школань директорсь жо Тарасов а лови эсинэзэ тевекс организовам эйкакштнень культурансто Перемань ютавтома.

В. П.

фронтонь теemasонть. КИМ-ентэ зярязь секцияне эшо вишкинеть ды беряньстэ сюлмавозь робочей од ломанень массатне марто.

Виде, меельсэ иетнесэ зярязь союзнэ мусть од ломанень массатненень молемань виде ки. Те кинть муизь Франциянь, США-нь, Канадань комсомолтнэ, конатнень улить пек покш успехест од ломанень зярязь массовой организация марто вейсэнь бороцямонь кис сотрудничествань теemasонть. Неть мастортнэде башка, социалистической од ломаньтне марто сюлмавоманть коряс покш робота тейсть Испаниянь, Астриинь, Англиянь, Бельгиянь, Чехословакиянь ды лия масторонь комсомолтнэ:

Но се, мезэ теезь, — те од ломанень келей массатнень вейс пурнамань кинть лангсо ансяк ушодкс. Од ломаньтнень сех келей единой фронтонь теемадо, лиякс меремс миллионт од ломаньтнень, сынст неень шкань политической убежденияст лангс апак вано, вейсэнь интереснэнь кис войнань ды фашизмань каршо ве лув бороцямонь кис миллионт од ломаньтнень вейс пурнамодо вопроссь ульнесэ ды нейкак ашти весе од ломанень комunistической движениянь главной ды центральной задачкас.

Од ломанень массатне теевить революционнйкс. Эрва чистэ од ломанень яла седеяк пек покш ды покш слойтне чаркодить капитализмань насадыця мирэнь ды социализмань масторсонть строэз од мирэнь ютксо а вейкет чинть.

„ОБРАЗЦОВОЙ“ ШКОЛАДОНТЬ

Чамзинкань полной средней школанть МАССР-нь Наркомпросось ловны образцовойкс.

Вансынек кодат течень чис макс сын сон образец? Кода эрять ды тонавтниять те „образцовой“ школасонть тонавтницияне.

Школань настройканть ды ремонтонть те шкас эзизь прядо. Занятиятнень 20-це чи ютавтыть рудазь потсо. Школась роботы кавто сменасо, чокшнень сменанть уроктнэ югыть беряньстэ секс, што арась толост.

Истя жо беряньстэ аравтозь воспитательной роботаськак. Воспитательной роботанть коряс школьной ды классной плантнэ апак тейть.

Дисциплинась учениктнэнь ютксо берянь. Тень кис корты 9-це группасо сентябриянь 20-це чистэ биоло-

гиянь уроконь ютавтомась. Законот мейле учениктнэ уроксь поздасть 7 минутас. Тонавтниестэ шумить.

Сехте беряньстэ аравтозь тевесэ эрзянь келень тонавтниемасонть, учебникт ды программа арась те шкас. Теде башка школасонть амуят вейкеяк эрзянь газета эли журнал. РОНО-сь пурнынзе эсинэзэ шкакштнэстэ эрзянь кельсэ ташто литературанть ды максызе школанть. Теде башка жо кодамояк лезкс эзь тее.

Неть безобразиятнеде содыть рай-организациятне. Соды комсомолонь райкомоськак, но те шкас кодаткак мерат эзь прима.

МАССР-нь Наркомпросонть марто РайОНО-ськак ды комсомолонь райкомоськак те школанть ловить образцовойкс.

Д. А. Н.

ДИРЕКЦИЯСЬ КУНДАСЬ КАВТО НУМОЛОТ

САРАНСК. Муздрамтехникумонь колидорганть кластнэнь молеманть—эрва ломанесь арсезеви школанть культурной чидензэ. Стенатнева понгавтнезть покш зеркала. Эрва косто неят цецят. Киякштнэ ванькст.

Но бути ломанесь алкукс арсезеви те культурностытэнь—сон ма-няви. Ды вана мекс:

Дирекциясь умок уш арсезь кундамс кавто нумолот. Сон неть нумолотнень кундынзек. Одс при-мазь студентнэнь общежитиякс максынзе сеть кабинетнэнь, косо сын тонавтницияк. Валске марто сын стякшныть, сайнесызь бере-мазост тонавтниемань кабинетсэнь эзем ды скамийа лангс ачнэзэ эсиз таркаст (ацамот, доловт, одеялат) ды валясызь вейке куцяс, конатне-нень эрва чистэ появить сийть.

Кабинетсэнь а кенери оймамо пу-леськак—ушодсызь тонавтниемань-нень. Лиясто жо кабинетсэ кад-нови апак теньчек. Чокшне-жо коть иля арсеяк уроконь тонавтомо. Тосонь студентнэ, кода мерить „универсальной“—конась налкси пионинасо, гитарасо, балалайкасо, конась разиди кирга-парензэ—мо-ры, конась конястонзо ливезень туемс кишти. Лиятне жо пурнын-сэрныть таркань ацамо. Ды ист-ята вана „концертнэ“ эрва чистэ эрсигь пеле-вес—12 час.

Теке шкастонть, истямо условия-со эрязь—студентнэ яла сиить, те-евить аволь культурноекс.

Дирекциясь кавто нумолонь кундазь, кабу аволь понго сонсь истямо нумолонь таркас!

П. КОРСАКОВ.

КЛАССТНЭСЭ АРАСЬ КУЛЬТУРНОЙ ВИД

Ламо школьной роботникт ар-сизь, што бутим теэз школанть ремонт, витнез галанкатне, валь-

матне, крышась ды лиятне, то мо-жна оймамс текень лангс. Культур-ной видэнь коряс, наряжамс, теемс уютнойкс класстнэнь а думсизькак.

Бутим сайсынек Русской Веляз-мань начальной школанть, косо заведующейксы роботы Митина Ан-на Федоровна, тосо класстнэсэ арась кодамояк культурной вид. Арась а плакат, а лозунгт ды вождень портретт, соват класстнэс прок кодамояк чаво кардос.

Митина прок школань заведую-щей, эзь заботя тень кувалт, эзь тее культурной вид школанть. Школасо режимдэ ВКП(б) нь ЦК-нь ды СНК-нь решениянь эзь тонавте.

Торбеевань райононтень явомс мель ды добувамс, штобу началь-ной школатнесэ улелель теэз культурной вид. „КИН“.

Чаньжавонь котст, пуль, рудаз...

КОЧКУРОВО. „Труженник“ кол-хозонь правлениясонть овси арась культурностень кодаткак признакт. Тосо минек партиянь ды прави-тельствань руководителнень пор-третэст ды плакататнень таркас нурьгить чаньжавонь котст, стенат-нень вельтинзе пуль. Киякштнэ жо а содавить эрва кодамо мусор-донть ды рудаздонть.

Ды неть нарядтнэнь ало роботы сонськак, колхозонь председате-лесь ЧИЧКИН.

Косто колхозниктнэнь саемс пример эсиз кудост культурнасто теemasонть?

БАЛАКШИН.

ЮНКРОНЬ СЕРМАТ

СОВХОЗНОЙ СПАРТАКИАДА

Сентябриянь 20-це чистэ Саранс-коень мясосовхозонь спартплощад-касонть панжовсь совхозной спар-такиада. Спартакиадасонть участие примить 3 совхозонь од ломань, весемезэ конатнесэ 40 сехте паро физкультурникт.

Роботатне ушодовсь гранатань ерымасонть, конась васень тар-канть занисе Саранской совхозонь трактористэсь Донсков. Сон гра-натанть ердызе 48 метрас ды 60 сантиметрас.

Спартакиадасонть изницясь ули кучозь совхозной краевой спарта-киадас, конась панжовсь сентябриянь 28-це чистэ Ельховской районь „Коммунар“ совхозсо. Купер.

КАРМАВТОМС ПАРСТЕ РОБОТАМО ЧАРИНЭНЬ

Кочкурово. Вирь ало Тавлань кооперациясонть роботниксь Ча-рин Я пек чуросто панжнесэ ко-оперативенть Теде башка, сон сеедьстэ роботамо аравтнесэ эсин-зэ 12 иесэ цырынэзэ.

Колхозниктнэ сеедьстэ якить оень миеме, но оентэ эйсэ а при-мить. Истя эзизь прима Алтаев Г. оензэ. Петров

МАКСОМС ЭРЯМОНЬ ПАРО УСЛОВИЯТ

Кочкурово. „Якстере теште“ кол-хозсонть 5 уроз эйкакштнэнь арась эрямонь ды тонавтниемань условия-ст. Сынст арась оршамо пелест ды пильгс тонгомкаст, арась мик постоянной эрямо таркаст.

Колхозонь правлениясь жо ды партийно-комсомольской организа-циятне сынст кувалт а меловыть. Роза.

МЕКС АРАСЬ ЛИТКРУЖОК

Кабаевань (Дубенкань р-н) полно средней школасо улить ла-мо тонавтницият, конатнень ули мелест роботамо литературной кружоксо, но кружок организовазь арась.

Комсомолонь организациясь ды дирекциясь а арсизькак органи-зовамо.

Кие жо карми организовамо кружоконтэ? Комсомолонь органи-зациянтень эрвай арсемс тень кувалт.

Од ломань.

А ТОПАВТЫТЬ ПАРТИАНЬ РЕШЕНИЯНТЬ

Чамзинка. Мокшалеисэ аволь полной средней школань тонав-нициятне пек кенярдить газетань ды журналонь ловноманть. Но сынст ютксо кияк а арси теемс подписка ды дирекцияськак (дирек-торось Трошин) овси а ламо полу-чи газетат ды журналт.

Те фактос корты седе, што шко-лань дирекциясь ай арси топа-вомс школатнеде партиянь ды пра-вительстванть решенияст.

С. Т. К.

Касыть паро роботникт

Ардатово. Жабина велесэ комсо-молетнэ мелят тонавгнестэ началь-ной школасо.

Школань прядомадо мейле Ано-шин комсомолетсэ кармасть аволь беряньстэ роботамо ловнама кудонь заведующеекс. Зотов Вася жо роботы вельсоветэнь председате-лекс.

Ней комсомолетнэ кармасть партиянь историянь тонавгом. А. Фомина.

Чись эсинэз пси кесактнэз котлясь ульцятнень. Шанжавонь коштнэ ашо кружалакс уйсть свежа, лембе коштанть. Саранскоень ульцятнэ гайсть революционной, седейсь педия од моротнеде. Те истя ошонь стадионотнень молюсь вейкельстэ нарязажь якстерармиецнэ, призывникенэ, высшей, средней ды аволь полной средней школань студентнэ стройной коллонатне. Те истя сынст моротне, молимань стройностесь, кенярдомась вастаст Якстере армияв призывень ушодоманть, невтсть тенэ эйсэ эсинек родинань вечкеманть, вратнэде сонзэ ванстома анок-чинть партиантень ды Сталин ялгантень преданностень.

Вана советскай ульцятнэ молюсь педтехникумонь отличниктнэ. Сынэ, отличник-студентнэ — парсте теизь эсист коллонасткак.

Сехте икелев молиция ашо костюмсо оршазь колмо тейтерне кандсть якстере шелконь знамят. Эсист мештьсэ цитнест ГТО-нь, ГСО-нь ны Ворошиловской стрелоконь значокт.

Якстере майкасо оршазь осави-ахимовецтнэ кандсть икелев аравтозь цитнишя штык марто винтовкатнень. Сынэ жо, лаз лангс аравтозь програницной столбиненть марто, эсист лангсо кандсть пограничникекс нарязажь студент.

Седе мейле молюсь противопогаз марто отделеният, ГСО-нь значок

ТЕ КОРТЫ ЛАВШО ДИСЦИПЛИНАДОНТЬ

Промксонть самс колмо-ниле чи де икеле ульнесь „Красная Мордовиясо“ объявления, ульнесь печатазь ды ульцянть стенава клейсезь специальной афишат, конатнэсэ ульнесь являвотзь сентябрынь 19-це чистэ общегородской комсомольской промксонть. Теде башка промксонть коряс ВЛКСМ-нь горкомонть пельде ульнесь пачтазь куля ошонь эрва организациятнень. Но весе тенэ лангс апак вано ламо организациясто 100 процентной явкат промксонть арасельто. Ламо комсомолецт эзизь кунсоло коминтернань 7-це конгрестэнь Нуанзин ялг. докладонзо.

Примеркс пединститутонь комсомолецтнэ якасть промксонь ансяк 50 проц. Педтехникумонь 85 проц., овси аламо ульнесь медтехникумсто ды лия организациясто. Те деяк берянь ламо комсомолецт эзизь учо промксонть прядоманзо, тукшнэсть.

Теде фактось идестэ корты, што ошонь кой-конат первичной организациятнэсэ лавшо комсомольской дисциплинась.

Эрви первичной организациятнень — комсогтнэненэ, комитетэнь секретартнэненэ примамс мерат организациясо дисциплинанть кастоманть коряс ды неть комсомолецтнэнь марто, конат эсть яка ды тукшность промксонть. Н. Я. Саран ош.

Ков жо тейсызь? скалтнэнь

Чамзинка. „Гроза“ колхозсонть ютась иестэ МТФ-нь скалтнэ ульнесь башка колхозникенэ кардазга, конатнень мельга якамось ды сынст андомась ладзель пек берянь стэ. Скалтнэ овси а ламо макссть ловсо секс, што сынст мельга якиця колхозниктнэ (Калядин ды лият) эзизь максне сынест нолдазь весе концентратнэнь скалтнэненэ.

Скалтнэненэ карлот эсть строя нейгак. Ков жо сынст тейсызь? Месть жо арси правлениясь?

И. Бояркин.

марто, ашо кисиянь пацясо, коня-сост якстере крест марто РОКК-нь отделе-ият—медицкат

Аволь берянь ульнест лия школань ды организациянь коллонатнеяк. Эрвась бажась седе парсте, мазыйстэ вастомс якстере армияв эсист леляст, братост. цераст, ялгаст провожамонь ушодомань чинть

Плакатнэ кортасть ды невтсть седикеле, инязоронь армияв ды Якстере армияв призывдэнтэ.

1913 иестэ шачозь трудиця од ломаньтнень Якстере армияв призывенть ушодомань митингенть панжомань шкантень стадионось пешкедсь эрямонь вечкиця, уцяскав тышат ломаньде. Тосо ульнест рабочейтэ, служащейтэ, колхозникт, единоличникт, тонавтицят, сыре ды од ломанть.

Саран ошонь советэнь председателесь Дуденков ялгась панжизе митингентэ. Духовой оркестрась морась „Интернационалонт“.

Профсоветэнь пельде Родионов ялгась призывниктнэненэ евтась приветственной вал. Партиянь ошонь комитетэнь пельде приветствия евтась Бутусов ялгась. Якстере арми-инть пельде Буров ялгась евтнесь, кода икеле инязоронь армияв трудицятнэ сельведь марто провожаст эсист цераст ды кода провожить сынэ ней. Ды евтнесь седеяк, мезе максы Якстере армиясь сынест.

Ответственной вал призывниктнэнь пельде евтась СапЦЭС-нь ударникесь—призывникесь Сударев ялгась.

...—Ды партиянь тердеманзо коряс, эсинек ине родинанть, отечестванть кис-минь од боецтнэ ажаласынек эсь прянок—истямо валсо прядызе кортамонзо Сударев.

Призывенть ушодомань праздникесь прядовсь чокшне, сень эйстэ, што призывник-ударниктнэ аэроплансо уйнест менельганть.

А. Мартынов.

КАЛУГАСЬ ТРАУРСО

Калуга, сентябрынь 20-це чи. Раужо кикс марто якстере флагт поведэзь Калугань весе кудотнень лангсо.

Предприятиятнэсэ эшо венэ сме-натнесэ ды теци обедэнь перерыв-стэ ютавтсть ламо ломанень траурной митингт. НКПС-нь заводонь од планеристнэ ды рабочейтнэ являвтыть, што сынэ кеменьксть седе виевстэ кармить бороцямо Циолковскоень ине тонавтоманть эрямо чис ютавтомат кис.

Семиясь ды Калугань обществен-ной организациятнэ, получить телеграмма седей ризкс марто, ды алтамо марто седеяк келейгавомс коштонть кедьс коморс саеманзо кис бороцямонть, конанень максызе весе эрямонь ученоесь.

Ине ученоенть рунгонзо калмос нелдамо шкастонть, самолетонь эскадрилияс ерсь цецятды прошамонь серма Циолковскойнень, Союзонь коштонь флотонь роботниктнэнь пельде.


Шевченконь калмо лангс

Киевской комсомольской активистнэнь экскурсияст

Киев. Комсомолонь киевской обкомонть решениянзо коряс сентябрынь 29-це чистэ Каневе. Шевченконь калмо лангс молють обкомонь, горкомонь, райкомонь ды завкомонь 150 руководящей роботникт. Молицятнень пелест тейтерть. Молють сень кис, штобу комсомольской активист кармаволь содамо украинской поэт-революционерэнь Т. Г. Шевченконь бороцямондонзо ды творчествадонзо.

Экскурсиясонть участиянь примамо тердезь Украинань советской писательтнень правлениянь члентнэ ды Шевченконь лемсэ институтонь научной роботниктнэ.

Н. Э Циолковскойнень памятник



Дирижаблестроен начальникус Хорьков ялг. Циолковской ялганть колмамсто якась Калугав Дирижаблестроен делегациянь пряттокс. Сон мерсь, кода карми ютавтомомо правительстванть решениязо знаменитой ученоенть памятензэ увековечениядо. Циолковскойнень памятникень проектировамось конась, правительстванть постанов-лениянзо коряс, должен улемс ладязь Дирижаблестроень торритория лангсо, решась максомс Андреев скульпторонтень. Ученоенть архивезэ карми улеме ускрыз Московов. Теэзь специальной комиссия архивенть тонавтомомо. Дирижаблестроительной учебной комбинатсонть, конась канни Циолковской ялганть лемэнэ, тешкстэзь учебной программанть ветямс специальной курс Циолковскоень системань цельнометаллической дирижаблэнтень тонавтомомо.

ГРАНИЦАНЬ ТОМБАЛЕ

Италиянтэ ды Абиссиниянтэ военной виест

Парижень „Тан“ газетанть специальной корреспондентэсь, итальянской источниктнэстэ получасть даннойтнень коряс сермады:

„Бути военной действиятне ушодовить, то Восточной Африкасо войнась ули весе сеть колониальной войнатнень коряс сех покш, конат ульнест икеле. Кавто-колмо недлянь ютазь де Бонсо генераланть командованиянзо коряс молиция армиясонть кармить улеме 200—220 тышат салдат, сеть 30 тышат рабочейтнень апак лово, конат, эрви арсемс, улить милитаризовазь. Лиякс меремс, 250 тышат итальянецт 500 тышат абиссинецтнэнь каршо, конатнень негус (правительствась) может, итальянской ловноматне коряс, аравтомс ружия алов. 50—60 тышат ускиця скотина—оселт, муллат, лишметь, верблюдт. 3500 покш ды вишкине грузовикт концентрировазь (пурназь) итальянской инцидентванть нужанзо кис.

Италиянь войскактнень вооружениясь пек парсте приспособленной абиссинской компаниянь обстановкантень. Бойкасто якиця танкатне пек виевть ды маневреннойтэ. Эйсэст улить экипажт, конат нес кельгить 2 ломанть ды вооруженнойтэ кавто пулеметсо, сынэ часонть ровной киява ютыть 40 километрат. Сынэ пек шождынестэ изнясызь эрва кодат препятствиятнэнь.

Артиллериясонть сех ламо горной батареят ды мортирт 65—75 мм. туро сынст ускиць мулат (истят

скотинат). Стака артиллериясонть—105, 120, ды мик 149 мм, туро орудият. Сон эрви, арсемс, карми улеме тевс нолдазь эцеманть (наступлениянтэ) ушодовомсто, зардо неприятелень фронтось, бути ансяк истямо ули вообще, карми аштеме эциятнэ эйстэ аволь васоло. Эрви меремс, што артиллериянтэ икелев айгемазо карми аштеме кинь строямонь темплатне эйстэ.

Географической картатне, конат улить Италиянь армиясонть,—пек обшейть. Сынст эйсэ улить ильведкст. Картатне лангсо ламонь таркава сермалезь: „Те таркась апак проверя тесэ покш лезкс должен максомс авиациясь, кона эсь разведкасонзо поладсынзе картографической аволь покш доннойтнень.

Италиясь Абиссиниянь армиянтэ вооружениянзо истя лови, што ильведкст улелель кортамс регулярной армиядо, кона бу улелель аравтозэ вейке ветиянь командованиясь. Виде, Абиссиниясо улить императорской гвардиянь ниле батальонт ды Аддис—Абебесэ кавалериянь 4 эскадронт; истяжо эрва кодамо центрасо улить пехотной батальонт; ули пулеметчикень отряд, танкань группа ды мик противовоздушной ды противотанковой часть, конат вооруженнойтэ пулеметсо ды Швейцарской „Эрликон“ фирмань орудиясо. Но итальянецтнэ

арсить, што сынест сави бороцямс апак организова массань каршо, конатне эйсэ ветить провинциальной башка расат (башка областень прятт). Италиянскй даннойтнень коряс, абиссинецтнэнь арась кодамояк артиллерияст, пулеметнэсэ леднеме кармиця ломаньтне аволь сатышка инструктировазь. Дюжина самолетнэ, конат улить негусонть, могут улеме нолдазь ансяк разведкас. Винтовкатне—эрва кодамо калибрань.

Абиссиниянь армиянтэ,—сермады корреспондентэсь,—арась снабжениянь кодамояк службазо. Салдатось моли 10 чис продовольствия марто, но те а реши проблеманть. Эрвантень эрви мелявтомс эстензэ ярасмо-пелень кис. Секс весе салдатнэ молють нист, урест марто, мельгаст ветить оселт, конатне лангс вачказь палаткат ды ярасмо пель. Абиссиниянь армиясь молемастэ неяви лия таркав эрямотуемакс“.

Но корреспондентэнтень савсь тешкстамс, што, Абиссиниянь армиянтэ весе асатыксэнзэ лангс апак вано, улиця бороцямось веши седе пек ламо вий итальянецтнэ пельде, седеяк пек секс, што весе содыть Абиссиниянь салдатнэнь а пелемадост.

Ответ. редакторось М. ЛЮПАЕВ.